

是名所辦會菩提發心受波發心受波者其
人不久當成佛道阿羅漢者煩惱已盡離諸
重擔所作已作具足十地已得記前其修法
忍一切色象悉能化現於諸方面隨意所欲
為如來應供等正覺如是功德皆悉具足名
阿羅漢是為四種人於此大般涅槃經多所
過度多所饒益出於世間為天人師如諸如
來是四種人為真實依迦葉菩薩自佛言世
尊是四種人為真實依不可信也所以者何
如世尊為長者瞿師羅說若天魔梵現身為
佛三十二相八十種好圓光一尋現眉間相
來詣汝者汝當覺知令彼降伏我今聽汝伏
彼弊魔所以然者非阿羅漢而自稱羅漢故
若使弊魔坐卧空中左脅出火右脅出水或
舉身如火出烟雲種種變幻